

Gvangjsih Minzczu Bau

Guenjbanh: Gvangjsih Bouxcuengh Swcigih Minzczu Cunghgyau Swvu Veijyenzei

Okbanj: Gvangjsih Minzczu Bause

Geiz neix 8 banj

广西民族报

Aenhauhokbanj: CN45-0036

B.2022

Nd.1 Ng.19

Liggaeuq sincouj nienz ndwenlab cibcaet

Geizsoq: Gungh daih 3508 geiz

Aen Hoih Baez Haj Swcigih Cibsam Gaiq Yinzda Haimuq

Liuz Ningz Cujciz Lanz Denhliz Guh Cwngfuj Gunghcoz Baugau

自治区十三届人大五次会议开幕

刘宁主持 蓝天立作政府工作报告

1 nyied 17 hauh, Aen Hoih Baez Haj Daihcibsam Gaiq Yinzminz Daibyauj Daihhoih Gvangjsih Bouxcuengh Swcigih youq Gvangjsih Yinzminz Veidangz haimuq.

Aen hoih youz daihhoih kuj-sizdonz cangzvu cujsiz、caephengz cujsiz Liuz Ningz kujciz.

Swcigih cujsiz Lanz Denhliz daibyauj Swcigih Yinzminz Cwngfuj coh daihhoih guh cwngfuj gunghcoz baugau. Baugau faen baenz sam aen bouhfaenh: Dauqyawj gunghcoz 2021 nienz, anbaiz gunghcoz 2022 nienz, cienzmienh gyagiengz hwnqguh bonjndang cwngfuj.

Lanz Denhliz naeuz, 2021 nienz dwg bi dangj caeuq guekgia gwnz lizsij miz yiyi raixcaix ndeu, dwg bi youqgaenj raixcaix ndaw Gvangjsih gaijgwz hwnghat baenaj. Siz Ginbingz cungjsuhgi daeuj Gvangjsih cazyawj baez moq. Raeuz angqhoh Cungguk Gungcanjdangj laebbaenz bak bi, Cibgouj Gaiq Roekcung Cienzhohi Dangj hai ndaej baenz, raeuz caeuq daengx guk caezcaemh cienzmienh hwnqbaenz siujgangh sevei, hainduj cienzmienh hwnqguh duenh roen moq Gvangjsih sevei cujyi yendaiva. Gak cuz beksingq daengx gih geiqmaenh vahdaengq bouxdaeuz、rap hwnj lizsij sawjmingh, gyo'mbaiq haenqguh baenaj、haekfug hojnanz haenqguh baenaj, gyamaenh gya'gvangq gij cwngzgoj yawhfuengz guenjhanh binghrau caeuq ginghci sevei hwnghat, ginghci yinhhengz laebdaeb hoizsoeng, canjnieb saenqhwngh cingzyauq yienhda, caetliengh yauqik onjyamq daezsang, cauhamoq cwngzgoj mboujduenh okyienh, cuengqlangh yamq ok yamqdin maenhsaed, minzswngh baujjang rengzrd.

Lanz Denhliz naeuz, bineix yae hai Ngeihcib Daih Dangj, guh ndei gak hangh hong yiyi hungnaek. Raeuz aeu gij ngeixnaemj sevei cujyi miz

daegsaek Cungguk seizdaih moq Siz Ginbingz guh dazyinx, cienzmienh gvancez doeksaed gij cingsaenz Cibgouj Daih caeuq Cibgouj Gaiq ligbaez cienzhohi caeuq Aen Hoih Hong Ginghci Cunghyangh, haeujlaeg gvancez doeksaed gij cingsaenz gangjah youqgaenj "4·27" Siz Ginbingz cungjsuhgi cazyawj Gvangjsih caeuq baenzroix iugouz cijsi youqgaenj naeuz hong Gvangjsih, fatyiengh cingsaenz laebdangj hungmbwk, gaenjdaet hopheux aen diji moegbiu yinvu "1+1+4+3+N" Swcigih Baez Daihcibngeih Dangjdaivei daezok, dungjcouz doicaenh "haj vih daej ndeu" cungjdaej baijbouh, hezdiuz doicaenh "seiq aen cienzmienh" canloz baijbouh, genhciz guh hong onjyamq youh baenaj, caezcienh cinjdeng cienzmienh gvancez leixniemh hwnghat moq, fugsah caeuq yungzhaeuj gwzgz hwnghat moq, cienzmienh haeujlaeg gaijgwz hailangh, genhciz cauhamoq hwnghat gyaepdoengh moq, doidoengh hwnghat youh ndei youh vaiq, genhciz yungh gunghgijcwz gezgousing gaijgwz guh sienqmeh, dungjcouz yawhfuengz guenjhanh binghrau caeuq ginghci sevei hwnghat, dungjcouz hwnghat caeuq ancienz, laebdaeb guh ndei hong "roek onj" "roek bauj", genhciz cwngcwz guh daeuz、hanghmoeg guh vuengz、vanzging guh goek、cauhamoq guh gvanhgen, doicaenh gunghyez、lajmbanj、gohgyau sam loh saenqhwngh, vatcimh hailangh doxgap、swhyen、cwngzcinva yienghmoq sam loh rengz, soujmaenh swnghdai vanzging、minzswngh baujjang、ancienz hwnghat sam diuz daejsienq, laebdaeb gaijndei minzswngh, baujmaenh ginghci yinhhengz an' onj, baujmaenh sevei daihbuenz huzndei onjdingh, giet sim comz rengz cauhaeb aen Gvangjsih gyaunde sevei cujyi miz daegsaek Cungguk seizdaih moq

aeundaej cingzyauq moq, yungh cingzcik ndei ciepcoux Ngeihcib Daih Dangj hai ndaej baenz.

Lanz Denhliz naeuz, bineix gih raeuz ginghci sevei hwnghat cujyau yawhgeiz moegbiu dwg: Ginghci demmaj 6.5% doxhwnj, itbuen gunghung yawhsuenq demmaj 3%, gveihmoz doxhwnj gunghyez gyalai demmaj 7%, dinghmaenh swhcanj okgoek demmaj 10%, huq siuhfei sevei gailingz cungjngeg demmaj 8%, seng'eiq cincuzgouj cungjngeg demmaj 7%, mbaetyungh nwnghyenz gemjnoix baizcuengq gyangqdaemq danq baizliengh guenjhanh youq ndaw aen moegbiu guekgia roengz de, beksingq bouxvunz bingzyaenz ndaej ceiboic souhaeuj caeuq ginghci demmaj gihbwnj caemhyamq, cwngzcin diucuz saetnieb cingzsoq mbouj mauhgvag 6%, haeuxgwn onjdingh ndaej 274 ik gaen doxhwnj. Bineix ginghci demmaj yawhgeiz moegbiu daejyienh gij iugouz guh hong onj guh daeuz、ndaw onj baenaj, raeuz aeu haenqrengz baenaj、ngaem gyauej haenqguh, buet ok suzdu、buet ok yienghndei、buet ok cingzcik, coh moegbiu engq sang bae guh, doidoengh bien' gyaiq dieg minzczu hwnghat youh ndei youh vaiq roemx ok diuz roen moq、gyau ok mbawgienj ndei. Aeu gyamaenh gya'gvangq gij cwngzgoj vutgungz gunggheng, cienzmienh doicaenh lajmbanj saenqhwngh; demgiengz rengz gyaepdoengh cauhamoq, laebdaeb doicaenh gunghyez saenqhwngh; doidoengh siuhfei onjdingh hoizsoeng, coicaenh fuzvuyez daihneix daezcaet swnggaep; gyavaiq hwnqguh hanghmoeg hungnaek, roengzrengz guhbaenz okgoek demliengh engq lai mizyauq, doidoengh suijsingz cuengqlangh engq sang, fugsah caeuq yungzhaeuj gwzgz hwnghat moq langhbaej dangguh moq; laebdaeb haeujlaeg gaijgwz gizdieg cungdenj、

gikfat rengzlix hawciengz cawjdaej engq hung; haeujlaeg caizcwng ginh-yungz lienzoengh, gyalai haeujcoengh saeddaej ginghci hwnghat; cukmaenh swnghdai ancienz bingz-cang baihnanz, doidoengh saekheu hwnghat yamq ok yamqdin moq; laebdaeb baujjang caeuq gaijndei minzswngh, mboujduenh hawj bek-singq gvaq ndwenngoenz ndei; dungjcouz ndei hwnghat caeuq ancienz, henhoh sevei daihbuenz huzndei onjdingh. Aeu genhciz caeuq henhoh "song aen dinghlaeb", haenqrengz fatyiengh cingsaenz laebdangj hungmbwk, cienzmienh gyagiengz hwnqguh bonjndang cwngfuj, dawzyiemz dawgaenj doicaenh hwnqguh aen cwngfuj seuqcengh, haeujlaeg cauhaeb aen cwngfuj fapceih, laebdaeb roengzrengz gyagiengz hwnqguh cozfungh, laebdaeb daezswng cwngfuj yauqnaengz, haenqrengz byaij ndei diuz roen bae ganjgauj.

Lanz Denhliz giengzdiuh, raeuz yae engqgya gaenjdaet hopheux youq seiqhenz Dangjgunghyangh aeu Siz Ginbingz dungzci guh vaedsim, riengz Swcigih Dangjveij byaijbae, haenqrengz buekguh、haenqguh mbouj soeng, giet sim comz rengz cauhaeb aen Gvangjsih gyaunde sevei cujyi miz daegsaek Cungguk seizdaih moq, yungh cingzcik ndei ciepcoux Ngeihcib Daih Dangj hai ndaej baenz!

Ciuq aen hoih anbaiz, aen hoih saemjcaz gij baugau Swcigih Yinzminz Cwngfuj mizgven swcigih 2021 nienz gozminz ginghci caeuq sevei hwnghat dajveh caephengz cingzgvang caeuq 2022 nienz gozminz ginghci caeuq sevei hwnghat dajveh caujanq、gij baugau mizgven daengx gih caeuq swcigih bonjgaep 2021 nienz yawhsuenq caephengz cingzgvang caeuq 2022 nienz yawhsuenq caujanq.

(Gungh Vwnzyingj Cinz Yizcwz)